

CONVENIO DE COLABORACIÓN ENTRE O CONSORCIO DA CIDADE DE SANTIAGO E A UNIVERSIDADE DE SANTIAGO DE COMPOSTELA PARA O DESENVOLVEMENTO NO ANO 2016 DO PROGRAMA *CONCIENCIA*

En Santiago de Compostela, 5 de agosto de 2016

COMPARECEN

Dunha parte, o **Consortio da Cidade de Santiago de Compostela** (en diante, **Consortio de Santiago**) con CIF V15392319, e sede na Casa Vaamonde, Rúa do Vilar, 59, 15705 – Santiago de Compostela (A Coruña), e no seu nome e representación D. Martiño Noriega Sánchez, Alcalde-Presidente do Excmo. Concello de Santiago de Compostela, de acordo coas facultades outorgadas polo artigo 9 dos seus Estatutos e,

Doutra parte, a **Universidade de Santiago de Compostela** (en diante **USC**), con CIF Q1518001A e sede no Pazo de San Xerome – Praza do Obradoiro, s/n, 15782 – Santiago de Compostela e no seu nome e representación o Excmo. Sr. D. Juan Viaño Rey, Reitor Magnífico da USC, segundo decreto 62/2014 de 28 de maio de 2014 da Xunta de Galicia (DOG de 4/06/2014), con poderes suficientes para a celebración desde acto en virtude do establecido no artigo 20 da *Lei Orgánica 6/2001*, do 21 de decembro (BOE do 24/12/2001), e nos artigos 84 e 87 dos Estatutos da USC, e

Recoñecéndose os seus representantes capacidade xurídica suficiente, subscriben no nome das súas respectivas entidades o presente convenio e, para ese efecto:

EXPOÑEN

PRIMEIRO. O Consortio de Santiago, constituído o 28 de abril de 1992 como marco para propiciar unha acción conxunta da Administración do Estado, a Xunta de Galicia e o Concello da cidade considerando que Santiago de Compostela é unha cidade depositaria dun dos legados do patrimonio histórico-cultural máis importantes do mundo e continúa sendo unha referencia como "Primeiro Itinerario Cultural Europeo", "Patrimonio da Humanidade", "Patrimonio Histórico Nacional", "Premio Europa" e outros. O Consortio de Santiago ten entre os seus fins e funcións esenciais o de promover, e no seu caso, facilitar no termo municipal de Santiago, o exercicio coordinado das competencias da Administración Xeral do Estado, da Xunta de Galicia e do Concello de Santiago de Compostela. Así mesmo figuran entre as súas funcións a de asumir a execución dos proxectos e a xestión dos

servizos que as Administracións consorciadas acorden encomendarlle, así como exercer aquelas funcións que as Administracións consorciadas lle atribúan.

O Consorcio de Santiago igualmente colabora na programación de eventos relacionados coas diversas manifestacións artísticas e os ciclos de divulgación científica, tratando de consolidar e desenvolver as iniciativas culturais que sosteñen gran parte do crecemento turístico e de prestixio internacional da cidade.

SEGUNDO. A USC é unha entidade que ten como obxectivos estatuarios a investigación, a formación, o desenvolvemento científico e tecnolóxico de Galicia e a transferencia de tecnoloxía ás empresas e a outras entidades públicas e privadas. Igualmente e, segundo o artigo 4 dos seus Estatutos para o mellor desenvolvemento das súas funcións, a USC propiciará o establecemento de relacións con outras Universidades, organizacións e institucións, moi en particular coas de carácter académico, científico e cultural.

TERCEIRO. No marco destas funcións, o Consorcio de Santiago e a USC, conscientes da importancia da transferencia do coñecemento e da necesaria culturización científica da sociedade, acordaron no ano 2006 crear o **Programa ConCiencia** de divulgación científica que ten por obxectivo difundir entre a cidadanía a importancia que merece o saber científico como unha forma máis de cultura, ao tempo que se producen intercambios de coñecementos entre a comunidade científica galega e as personalidades máis sobresaíntes do ámbito científico internacional.

CUARTO. En virtude da actividade cultural do Consorcio de Santiago e do papel difusor da USC, así como da colaboración que veñen desenvolvendo, ambas as entidades manifestan o seu desexo de continuar co desenvolvemento do **Programa ConCiencia** de divulgación científica no ano 2016.

Por todo isto, acordan que o presente convenio de colaboración se estructure en torno ás seguintes

ESTIPULACIÓNS

PRIMEIRA. OBXECTO DA COLABORACIÓN

O Consorcio de Santiago subvencionará á USC para o desenvolvemento durante o ano 2016 do **Programa ConCiencia**, cuxa idea conceptual se centra na creación dun programa estable de divulgación científica de máximo nivel.

O apoio do Consorcio de Santiago á creación do referido Programa *ConCiencia* de divulgación científica non xerará obriga algunha para ambas entidades en canto ao sostemento económico do mesmo nos vindeiros exercicios.

SEGUNDA. ORGANIZACIÓN DO PROGRAMA

O programa *ConCiencia* será coordinado polo Profesor Dr. D. Jorge Mira Pérez, do Departamento de Física Aplicada da USC, que será así mesmo o director da súa execución.

O Programa *ConCiencia* organízase ao redor de visitas de científicos de recoñecido prestixio mundial que terán lugar no ano 2016. O programa estará estruturado en torno a dous actos principais:

- un encontro con profesionais e especialistas científicos
- un acto de divulgación científica para o público xeral

O acto para o público terá lugar, en xeral, nun local externo ao campus universitario.

TERCEIRA. COMISIÓN PARITARIA DE SEGUIMENTO

Para o seguimento do presente convenio de colaboración no marco do Programa *ConCiencia* constituirase unha Comisión Paritaria formada por catro membros: O Reitor da Universidade de Santiago, a xerente do Consorcio de Santiago, a responsable de administración do Consorcio de Santiago e o coordinador do programa, ou as persoas en quen deleguen.

CUARTA. FINANCIAMENTO

O Consorcio de Santiago subvencionará os gastos derivados da execución do Programa *ConCiencia*, por importe máximo de **DEZ MIL EUROS** (10.000,00 euros) que se imputará á partida 334.453.90 "Transferencia á Universidade. Programa Conciencia. do orzamento do Consorcio de Santiago para o ano 2016.

QUINTA. GASTOS SUBVENCIONABLES

Os gastos asociados ao presente Convenio son aqueles que responden directa e indubidablemente á natureza da actividade obxecto do mesmo e deberán realizarse dentro do exercicio orzamentario no que se concedeu a axuda, polo tanto admitiranse gastos comprendidos entre o 1 de xaneiro e o 1 de novembro do 2016, inclusive.

Os gastos obxecto da axuda prevista no presente convenio deberán encontrarse directa e indubidablemente relacionados coa actividade subvencionada e ser indispensables para a adecuada preparación e execución da mesma. Con respecto aos gastos de "loxística" recollidas no presuposto que contén o Anexo I, soamente serán subvencionables na medida en que se

destinen a financiar gastos concretos e relacionados coa actividade obxecto do convenio e quede suficientemente acreditada a súa correspondencia directa coa mesma, sen que caiba cambio ou modificación ningunha do obxecto ou finalidade para a que se concedeu.

No referente á execución dos gastos obxecto deste convenio, a USC actuará segundo o previsto na lexislación para as Administracións Públicas e, en concreto, o reflectido no *Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público*.

O destino da subvención non poderá supor en ningún caso retribución directa á entidade beneficiaria pola xestión da actividade levada a cabo, limitándose a financiar o custo de realización das actividades, sen que a USC poida obter beneficio ou lucro algún coa realización das mesmas. Tampouco se poderá incluír como gasto subvencionable, en aplicación do artigo 31 apartado 8 da Lei Xeral de Subvencións, o importe do IVE deducible. En caso de que a entidade beneficiaria aplique a regra de prorrata, deberá achegar certificado no que se recolla a porcentaxe de prorrata declarada.


A subvención do Consorcio de Santiago é compatible coa percepción doutras subvencións ou axudas, públicas ou privadas, que a entidade beneficiaria obteña para para o desenvolvemento do Programa *ConCiencia*, sempre que o seu importe, xuntamente co da subvención do Consorcio de Santiago, non supere en ningún caso o importe total do gasto efectivamente xustificado.

A USC achegará unha declaración do conxunto das axudas solicitadas, tanto aprobadas ou concedidas como das pendentes de resolución, para as actividades relacionadas co desenvolvemento do Programa *ConCiencia*, das distintas Administracións Públicas competentes ou de calquera dos seus organismos, entes ou sociedades. No caso da existencia doutras subvencións destinadas á mesma finalidade, o importe da subvención prevista neste convenio ratearase tendo en conta a contía das subvencións antes mencionadas e o custo total da actividade subvencionada.

En calquera caso, a USC comunicarlle ao Consorcio de Santiago con antelación suficiente sobre as condicións e obrigas establecidas mediante convenio ou similar con terceiros para o financiamento das actividades do Programa *ConCiencia* podendo neste caso modificar o presente Convenio.

SEXTA. OBRIGAS DA USC


A USC, como beneficiario da axuda do Consorcio de Santiago, obrígase a:

- 
- a) Achegar o proxecto descritivo, o seu orzamento detallado, as distintas achegas que o financian e a súa procedencia ou orixe.
 - b) Cumprir o obxectivo, executar o proxecto ou realizar a actividade que fundamenta a concesión da axuda.
 - c) Xustificar ante o Consorcio de Santiago o cumprimento dos requisitos e condicións, así como a realización da actividade, conforme as estipulacións deste Convenio.
 - d) Comunicarlle ao Consorcio de Santiago a obtención de outras subvencións, axudas, ingresos ou recursos que financien as actividades obxecto do presente convenio. Esta comunicación deberá efectuarse con anterioridade á xustificación da aplicación dada aos fondos recibidos.
 - e) Someterse ás actuacións de comprobación que poidan acordar os órganos de administración do Consorcio de Santiago, así como calquera outra de comprobación e control financeiro que poidan levarse a cabo polos órganos competentes, achegando tanta información lle sexa requerida no exercicio das actuacións anteriores.
 - f) Acreditar que a USC se atopa ao corrente no cumprimento das súas obrigas tributarias e fronte á Seguridade Social.
 - g) Proceder ao reintegro ao Consorcio de Santiago dos fondos públicos nos supostos contemplados no artigo 37 da Lei Xeral de Subvencións.

SÉTIMA. SOLICITUDE E CONCESIÓN DA SUBVENCIÓN

A entidade beneficiaria, unha vez formalizado o Convenio, dirixirase ao Consorcio de Santiago aportando a documentación que acredite a súa personalidade xurídica (escritura de constitución, estatutos sociais, etc.), e manifestando ou declarando que non se atopa en ningunha das prohibicións que impiden a percepción de subvencións establecidas na Lei 38/2003, Lei Xeral de Subvencións.

Asimesmo deberá presentar a documentación que acredite as circunstancias que se establecen na cláusula sexta apartados a), d) e f). Á vista da documentación anterior, o órgano competente do Consorcio de Santiago ditará a resolución concedendo a subvención e aprobará o gasto que quedará comprometido para esta finalidade.



OITAVA. DOCUMENTACIÓN XUSTIFICATIVA DA SUBVENCIÓN

O procedemento para acreditar a realización ou execución das actividades ou proxectos que constitúen a finalidade ou obxecto da subvención, consistirá na remisión ao Consorcio de Santiago, antes do 1 de novembro de 2016, dos documentos (resolucións, contratos, facturas e demais documentos equivalentes con validez no tráfico xurídico mercantil, nóminas, etc.) que acrediten a realización das mencionadas actividades.

Será necesaria a presentación dos correspondentes certificados de conformidade, expedidos polo beneficiario, de que as actuacións se executaron conforme aos compromisos adquiridos.

En todo caso deberase presentar a documentación xustificativa do pagamento efectivo dos gastos obxecto de subvención (cheque, transferencia bancaria, certificado de entidade financeira, etc.).

A xustificación presentárase en forma de conta xustificativa, que detallará todos os gastos subvencionables en que tivera incorrido, cos seus importes e datas de pagamento e acredores, acompañada dunha memoria explicativa das actividades realizadas que poña de manifesto o emprego da subvención recibida na consecución da finalidade que constituíu o seu obxecto.

NOVENA. FORMA DE PAGAMENTO

O pagamento da subvención realizarase unha vez que o Consorcio de Santiago considere acreditado o cumprimento da finalidade ou obxecto do convenio, previa xustificación pola USC dos gastos realizados e do seu pagamento. Os libramentos faranse mediante a correspondente proposta e ordenación de pago por medio de transferencia bancaria á conta que previamente comunique a USC como titular da mesma.

Calquera discrepancia no proceso de xustificación será comunicado polo Consorcio de Santiago, garantindo o trámite de audiencia previsto no artigo 84 da *Lei 30/1992 de réxime xurídico das administracións públicas e procedemento administrativo común*. No caso de persistir discrepancias, emitirase unha resolución motivada na que se indiquen os gastos que non se consideren financiáveis, dándolle á USC a posibilidade de recurso prevista no artigo 107 e seguintes da citada lei.

En ningún caso o importe da subvención poderá ser de tal contía que, illadamente, ou en concorrencia con outras subvencións, axudas, ingresos ou recursos, supere o cen por cen do custo da actividade subvencionada.

DECIMA. DIFUSIÓN E PUBLICIDADE

A imaxe creada para a identificación do Programa *ConCiencia* deberá mencionar ao Consorcio de Santiago e á USC e incluír os seus logotipos cunha presenza visual equivalente.

Esta imaxe deberá ser a que apareza en todos os materiais gráficos que se editen, tanto para as sedes das conferencias como para a publicidade. Igualmente, nos medios de comunicación e roldas de prensa relacionadas co Programa *ConCiencia* deberá constar sempre a participación de ambas institucións. No caso das roldas de prensa, se é posible e se considera oportuno, poderá haber representantes de ambas institucións.

O Consorcio de Santiago e a USC poderán facer difusión propia do programa *ConCiencia* polas canles que lles sexan naturais, cumprindo en calquera caso coas obrigas sobre mención á participación das outras entidades e conservando, cando proceda, as condicións de imaxe do Programa descritas anteriormente. En calquera caso, os custos asociados a esta difusión propia correrán por conta da institución interesada e non poderán ser imputables aos gastos do Programa.

Finalmente, tanto o Consorcio de Santiago como a USC poderán dispoñer dos vídeos xerados a partir das actividades do Programa *ConCiencia* para a súa utilización nos seus espazos *web* propios.

No caso da participación e cofinanciamento dun terceiro para o desenvolvemento das actividades centradas no Programa *ConCiencia*, a súa presenza na imaxe de identificación do Programa será definida no convenio que se estableza co mesmo pero en ningún caso poderá ter maior representatividade que o Consorcio de Santiago e a USC. Igualmente quedarán reflectidos no referido convenio aqueles aspectos relacionados coa difusión e publicidade do Programa que en calquera caso serán similares aos indicados na presente estipulación.

UNDÉCIMA. VIXENCIA

A vixencia do presente Convenio será dende a data da súa sinatura ata o 1 de novembro de 2016. A efectos de xustificación considéranse todas as accións desenvolvidas desde o 1 de xaneiro de 2016.

No caso daquelas intervencións non realizadas no ano 2016 nin xustificadas segundo os criterios indicados na cláusula oitava non serán consideradas dentro da dotación económica correspondente.

DUODÉCIMA- RESOLUCIÓN

O presente Convenio resolverase por incumprimento parcial ou total dalgunha das estipulacións que o regulan ou polo transcurso do tempo estipulado sen que se realice a actividade obxecto do mesmo.

DÉCIMO TERCEIRA. NATUREZA E XURISDICCIÓN

O presente Convenio ten natureza administrativa, comprometéndose todas as partes a resolver amistosamente, a través da comisión mixta creada ao efecto, calquera desacordo que poida xurdir no seu desenvolvemento. No seu caso, as partes someterán as diverxencias que puideran presentarse, en orden á interpretación ou cumprimento do presente Convenio, á xurisdición contencioso-administrativa.

E en proba de conformidade de canto antecede, asinan por duplicado o presente documento no lugar e data arriba indicado.

Polo Consorcio de Santiago



Martiño Noriega Sánchez
Presidente

Pola Universidade de Santiago de Compostela



Juan Viano Rey
Reitor

ANEXO I

MEMORIA DE ACTIVIDADES

Para este año (que marca la undécima edición del programa), el invitado será Cédric Villani (Francia), Profesor de la Universidad de Lyon y Director del Instituto Henri Poincaré de París.

El profesor Villani recibió la Medalla Fields 2010 por sus notables contribuciones en física matemática, geometría y ecuaciones diferenciales (en concreto, la mención del jurado fue: “por sus demostraciones del amortiguamiento no lineal de Landau y convergencia al equilibrio para la ecuación de Boltzmann”).

La matemática es una disciplina para la que no existe Premio Nobel y para la cual la Medalla Fields es su equivalente. Es un campo en el cual Galicia destaca en el estado español, con varios grupos de notable fortaleza investigadora, y esta visita contribuirá a su visibilización.

La visita seguirá el protocolo habitual del programa ConCiencia, arropada por la masa investigadora local en los ámbitos de la matemática y la física.

El primer punto de referencia será un encuentro con los medios de comunicación, tanto en rueda de prensa como entrevistas personales.

A continuación tendrán lugar encuentros con alumnos, investigadores y especialistas, tanto abiertos a la comunidad universitaria como restringidos a áreas afines a las del invitado.

La visita culmina con un gran acto de divulgación científica para público general.

El presupuesto estimado para el desarrollo de esta visita del Programa ConCiencia es el siguiente:

Pago bruto al Medalla Fields:	3750
Viaje:	1600
Alojamiento y restauración:	1500
Logística, traslados, manejo de reservas, secretaría técnica:	1000
Equipos de grabación de vídeo, grabación, edición, montaje y colocación en web de imágenes de los actos:	750
Fotógrafo:	300
Medios técnicos (sonido, mesas de mezcla para presentaciones, equipo de traducción, auriculares para asistentes, azafatas,...):	1500
Intérprete (traducción simultánea)	600
Maquetación-diseño, cartelería, tarjetas de invitación, material identificativo en sala, publicidad, difusión/colocación en el entorno de la ciudad):	500
Comisariado:	1500
Total estimado:	13.000,00